

Protokoll Regionrådet Nordhordland – fredag 8. april

Møte:	2-2022
Tid:	Fredag 8. april kl. 09:00 - 14:30
Stad:	Region Nordhordland Helsehus, kunnskapscenter 6. etasje, møterom Nordhordland

Til stades:

Ordfører:	Sara Sekkingstad (Alver), Per Lerøy (Austrheim), Stian Herøy (Fedje), Hallvard Oppedal (Gulen), Karstein Totland (Masfjorden), Kjetil Eikefet (Modalen), Lars Fjeldstad (Osterøy), Hege Eide Vik (Vaksdal)
Rådmenn:	Ørjan Raknes Forthun (Alver), Olav Mongstad (Fedje), Reidun Halland (Gulen), Svein Helge Hofslundsengen (Masfjorden), Jo Bjarte Tømmerbakke (Modalen), Ingvild Hjelmtveit (Osterøy), Atle Fasteland (Vaksdal)
Adm:	Rune Heradstveit, Bent Gunnar Næss
Andre:	Sak 12/22: Baste Tveito (Nordhordland Næringslag) Sak 13/22: Jens Skår (leiar framtida BKK Nett), Rune Skår (seniorrådgjevar kundekontakt storkundar BKK Nett), Lars Røise, (prosjektleiar Modalen-Mongstad BKK Nett, Per Rune Henriksen (samfunnskontakt BKK Nett), Kenneth Teigenes (prosjektleiar og områdeplanar, region vest Statnett), Baste Tveito (Nordhordland Næringslag), Vidar Totland (Invest in Bergen) Sak 15/22: Kari Evensen Natland (Region Nordhordland IKS)
Forfall:	Bjørnar Fjellhaug (Austrheim)

Sak 10/22	Godkjenning, møteinnkalling og saksliste Vedtak: Møteinnkalling og saksliste vart godkjent utan merknadar.
Sak 11/22	Godkjenning protokoll møte 1-2022 Vedtak: Møteprotokoll frå møte 1-2022 vart godkjent utan merknadar.
Sak 12/22	Regional næringsstrategi Ei arbeidsgruppe vart sett ned i Regionrådsmøtet 14. juni 2021 med oppdrag om å laga ein regional næringsstrategi med bakgrunn i dei utfordringane som låg i scenariorapporten for Nordhordland, og å koma tilbake med vidare oppfølging som konkretisering og tiltak. Arbeidsgruppa har bestått av Baste Tveito (Nordhordland Næringslag), Børge Brundtland (Industriutvikling Vest), Ragnhild Undertun (Gulen og Masfjorden Utvikling), Tobby Sander (Osterøy Utvikling), Hogne Haugsdal (Alver kommune) og Rune Heradstveit (Region Nordhordland IKS). I tillegg har Tove Hagenes (Alver kommune) og Bent Gunnar Næss (Region Nordhordland IKS) vore med som skrivarar.

	Baste Tveito presenterte arbeidsutkast frå arbeidsgruppa. Arbeidsgruppa har valt fire fokusområde som ein meiner er dei viktigaste for regionen å fokusera på framover: ▪ Posisjonering, profilering og attraktivitet gjennom berekraftig og innovativ utvikling ▪ Infrastruktur og rammevilkår ▪ Strategisk organisering og rolleavklaring ▪ Oppretthalde og vekst i sysselsetjing gjennom innovasjon og det grønne skiftet Under kvar av desse fokusområda finn ein verkemiddel (strategiar) og under kvart verkemiddel finn ein ulike tiltak. Utkast til Regional næringsstrategi peikar på det ein meiner er viktig Regionrådet / Region Nordhordland IKS / jobbar med framover saman med viktige samarbeidspartnarar som kommunane, næringslag / næringsorganisasjonar og andre samarbeidspartnar som er viktig for samfunns- og næringsutvikling i regionen i åra framover. Arbeidsgruppa har valt å laga eit kort og ikkje for detaljert dokument, og det er meint at dokumentet skal vera «levande». Regionrådet gav gode tilbakemeldingar på at dokument var kort og ikkje for detaljert. Sagt i møtet: ▪ Dokumentet gir ein god oversikt og peikar på ein retning for regionen og aktørane. ▪ Det er ei stor oppgåve å følgje opp strategien, og det vil vera nødvendig å prioritera tiltaka, og skal ein lukkast må det prioriterast ressursar til å jobba systematisk med dette framover. ▪ Dokumentet må også sjåast saman med dei andre oppgåvene Region Nordhordland IKS har. ▪ Det vart understreka at regionen har fått til mykje og god profilering seinare år som t.d. Region Nordhordland Helsehus og Nordhordland Unesco Biosfæreområde. Spesielt er det no viktig å meisla vegen vidare med Nordhordland Unesco Biosfæreområde og å få til synlege tiltak. Vedtak: Regionrådet tar framlagt utkast til Regional næringsstrategi til vitande. Administrasjonen vil koma tilbake med endeleg handsaming av saka.
Sak 13/22	Manglande krafttilgang til Nordhordland BKK Nett og Statnett var invitert til Regionrådsmøtet for å gje oppdatert informasjon om status for arbeidet med å få meir kraft til Nordhordland, og for å ha ein grunnleggande og god dialog med Regionrådet om kva som blir viktig for kommunane framover med tanke på arbeid, planar og informasjon / kommunikasjon. Kenneth Teigenes, prosjektleiar for områdeplanar, region vest i Statnett orienterte detaljert om planer, kva kommunar og område som vil få / kunne få utbygging av infrastruktur, kva type anlegg ein kan forventa og korleis ein saman kan få til en best mogeleg prosess med tempo i utbygginga. Det er massiv etterspurnad etter kraft i heile landet, og spesielt i denne regionen, og konkret i Mongstad / Fensfjordområdet. Teigenes gjekk så gjennom dei ulike prosjekta ein jobbar. Han peika på at det er lov å koma med fornuftige innvendingar. Kostnaden på desse prosjekta er mellom 15 mrd. Og 20 mrd. Dei fleste kommunane vert berørt og ein må prøva å finna gode løysingar før det vert store debattar som forsinkar prosessane. Det er viktig at kommunane førebur politisk, administrativ og innbyggjarane på tiltak som er aktuelle. Erfaring viser at ein i dag brukar lengre tid på å få på plass grunneigaravtalar m.v. enn tidlegare, og når dette skjer samtidig med at behovet for meir straum er stort / aukande fordi det hastar å få realisert det grønne skiftet, har ein utfordringar. Det er derfor viktig at kommunane tar ein rolle med å fortelja kvifor dette er så viktig, og lagar arena ute i kommunane der ein kan diskutera gode løysingar.

	BKK nett / Statnett har derfor behov for god og tett samhandling med kommunane, og det er derfor ønske om etter kvart å møte den enkelte kommune. Kommunane må gjerne invitera BKK Nett til kommunestyra slik at ein saman og gjerne kombinert med næringslivet kan fortelja kvifor dette er nødvendig. I desse møta kunne ein gjerne utfordra fylkeskommunen til å vera med for seia noko om behovet for energi i samband med grøn omstilling. Sett i frå næringslivet er det ekstremt viktig at planen til Statkraft blir følgd slik at ein få til den omstillinga som er nødvendig i regionen vår framover. Vedtak: Regionrådet er tydeleg på at skal ein kunne vera med på den grønne omstillinga, er det er svært viktig med kraft og fart på arbeidet med krafttilgang framover. For å lukkast med dette, er det viktig med tett og god dialog mellom Regionrådet og BKK nett / Statnett, og mellom den enkelte kommune og BKK nett. Den enkelt kommune bør etter kvart invitera BKK nett til dialog og informasjonsmøte.
Sak 14/22	Status - Interkommunal plan for sjøareal i Region Nordhordland Bent Gunnar Næss gav status i arbeidet med Interkommunal plan for sjøareal (sjå vedlegg). Etter tidsplanen skal det interkommunale planutvalet (IKPU) sende forslag til arealplan på høyring i september. I møte i IKPU i starten av juni vert det lagt fram eit utkast til plan som det enkelte medlem tek med til sin eigen kommune for gjennomgang i planutvalet (formannskapet). Det må helst skje før sommarferien, eller litt tidleg i august. Det er viktig at ein no har fastlagt ein plan for dette i kvar kommune. Vedtak: Regionrådet tar orienteringa til vitande.
Sak 15/22	Nordhordland Unesco Biosfæreområde (NUB) Kari Evensen Natland gav status / pågåande arbeid (sjå vedlegg). ▪ Frå juni av vert NUB bemanna med 3 årsverk. Dette vert finansiert gjennom kontingenten til RNI, årlege midlar frå kommunane, statsbudsjettet, fylket og gjennom EU-midlar. Finansiering er foreløpig sikra to år fram. ▪ NUB har samarbeid bl.a. med Ungt Entreprenørskap, FN-Sambandet, Lyngheisenteret og Knarvik vidaregåande skule ▪ Prosjekt som vert jobba med no er bl.a.: Vidareutvikling av Smak av Nordhordland, Handverksruta, Kunnskapsdriven berekraft og programmet «Stolt støttespelar» ▪ NUB er partnar i ulike forskingsprosjekt som «Areal under press» v/ UiB, «Cultivate» Forteljingar om framtida v/UHI, Skottland, «TradMOD – landskap i berekraftig utvikling - Naturgodeundersøkinga» v/ UiB, «Biospheres: Sustainable territories, resilient communities» v/ UoC, Portugal ▪ Det har siste tida vore jobba med ny visuell profil, fontar og fargepalett, grafiske element ▪ Nye nettside er på plass: https://nordhordlandbiosphere.no/ Vedtak: Regionrådet tar orienteringa til vitande.
Sak 16/22	Eventuelt Kritisk situasjon for ferjesambandet Valestrandsfossen – Breistein Lars Fjeldstad tok opp den kritiske situasjonen ferjesambandet Valestrandsfossen - Breistein har hamna i. Låge billettinntekter i pandemien etterfylgt av høge energiprisar har sett sambandet i ein sær sarskeleg situasjon. Ferjesambandet Valestrand – Breistein er sær viktig for Osterøy kommune og innbyggjarane. Lars Fjeldstad ber derfor om at Regionrådet sender eit skriv til Vestland fylkeskommune. Forslag til skriv vart lagt fram.

	Vedtak: Ferjesambandet Valestrand – Breistein er eit sær s viktig for Osterøy kommune og innbyggjarane der, men også for det regionale samarbeidet og utvikling av dette bl.a. i lys av grøn omstilling. Regionrådet ber administrasjonen om å senda eit brev til fylkesordførar der ein ber om at fylket er med å redde sambandet på kort sikt ved å gi kompensasjon for tapte billettinntekter i pandemien og for høge energiprisar. På lang sikt meiner Regionrådet at sambandet har så høg trafikk, ikkje minst kollektivtrafikk at med tanke på å få ned klimaavtrykket er eit klimavenleg ferjesamband så samfunnsviktig at det bør verte eit offentleg ferjesamband (skriv vedlagt)
--	---

Knarvik, 8. april 2022



Karstein Totland
Leiar
Regionrådet Nordhordland



Rune Heradstveit
Dagleg leiar
Region Nordhordland IKS

Vedlegg:

- Sak 12/22: Utkast regional næringsstrategi
- Sak 14/22: Presentasjon Interkommunal plan for sjøareal
- Sak 15/22: Presentasjon Nordhordland Unesco Biosfæreområde (NUB)
- Sak 16/22: Skriv til fylkesordførar med fleire om den kritiske situasjonen for ferjesambandet Valestrandsfossen – Breistein